

US Feldthurns - ACD Val Badia

Inviato da Renato

Ultimo aggiornamento venerdì 25 agosto 2017

Domènia, 21. mà 2017

Gran devènta cuntra i pröms, la VB se tol na bela sodesfaziun y pun dèr importan por la salvèza

Jí à perde cuntra i ultimi te iasa y la domènia dedò à davagné cuntra i pröms inamai fora de iasa. Chèsta é la situaziun atuala dla squadra dla Val Badia. Por les tröpes asènzes à messú "Mister" Folchi se inventé na nòia defensciun, plazan ia de dô Pedevilla y Lorenzini. Na chierida che é jöda bun y à tigní bun le druch dl Feldthurns che à le miú atach dl campionat. Dí mëssun che i "campions" ne ti à scinché nia ai ladins, ai se à iafè na ghela por protestes y bëgn cinch por fai de jüch.

La partida é stada sogada sot en gran ialt dan da nia en gran publich.

Al é sté na partida plajora cun en bun ritm de jüch. Chi de iasa pèia ia cun druch y bele al 2^a menüt sön trata dl ot Nitz mëss devié sön süa man dërta Ferdigg da na pert fora. Do da 16^a de jüch passa Denicolo ite t' aria por Prada che alza le palé sura le portir ite sön le secundo pe por le gran bel gol dl 0 a 1. Al 32^a menüt por en fal dl capitan dla VB tira le Feldthurns na puniziun en dui metri dan aria. Le spezialist Hasler la tira dô mür ite, Ferdigg na nia dificultes i para ia por tera. Al 47^a ejim dl pröm tèmp passa Clara da na pert ite a Crazzolara che tira da daimpró te porta. Le un robat cun na gran reaziun. Al 54^a menüt do na bela aziun iafa Prada le curan da Pedevilla, süa trata bassa sön le secundo pé ne röia nia te porta. Do da 58^a de jüch sön na trata t' aria de Barbolini devièia le portier sön la stangia de porta. Al 64^a menüt él na trata dl nü Dorfmann te porta che Ferdigg para sigú ia por tera. Do da 68^a de jüch röia la VB dlungia le secundo gol. Crazzolara sciampa sú da na pert ite t' aria y tira, le un Kerschbaumer robat la sterscia trata. Chiló protestèia chi de iasa por na posiziun de fora dl jüch sön la partènta dl diesc ladin. Al 73^a menüt él na trata diagonala dl Feldthurns che passa dan porta ca sènza iafè na deviazion cuntra porta. Al 88^a ejim passa "Olex" Stampfer ite t' aria por "Matti" Stampfer che sú tira te porta. Cun le pe devièia le un te iantun la gran ocasiun. Al 90^a menüt se lascia tomé le diesc Hasler t' aria ladina, le sigü arbiter ti mostra la ghela por simulaziun. Al é la secunda y ensciö vëgnel desgort. En pice aiüt por la VB da daidé la gran devènta sura le recuper de cater menü fora. Do le scüre finâl é grana la ligrèza te iamp y de fora. Tl ultima partida de campionat messaran iamò fá en resultat ütli por podèi resté inant te 2a. categoria. La squadra de Folchi à les cualites por le fá. Damaná é in e i fans à sostegní en gran numer la squadra dla VB.

US Feldthurns - ACD Val Badia: 0 - 1

Formaziun dla Val Badia: 1.Rene Ferdigg, 2.Andrea Pedevilla, 3.Florian Barbolini, 4.Gianluca Lorenzini, 5.Simon Erlacher, 6.Andrea Conrater, 7.Manuel Clara (dal 46^a Armin Erlacher), 8.Alex Stampfer (capitan), 9.Gabriel Prada (dal 84^a Matthias Stampfer), 10.Miguel Crazzolara, 11.Davide Denicolo (dal 60^a Emanuel Dorigo).

Alenadú: Maurizio Folchi.

Gol por la Val Badia: Gabriel Prada (al 16^a).

Proscima partida: en domènia ai 28 de mà dales 16:00 sön la plaza "Pradel" a San Martin de Tor cuntra le San Laurènz.